





c. 174





L. 20573

ARREST
DE LA COUR
DE PARLEMENT DE PARIS,
& Sentence de Monsieur le
Lieutenant Civil.

*Pour la poursuite du pillage arrivé a Paris, en la
maison du Marechal d'Ancre, & de Raphael
Corbinelli, les lundy & vendredy premier
& second Septembre dernier.*

1616.

X

THE NEWSPAPER
LIBRARY

Case

F

39

326

1616 fp

EXTRAICT DES
REGISTRES DE PARLEMENT.

VEV par la chambre des Vacations, la
requette à elle presentee par Leonora
Galigai, authorisee à la poursuite de ses
droits de Concino Concini, Marechal de
France: Par laquelle, attendu que du pillage
de sa maison aux Faulxbourgs Saint Ger-
main, les premier, & deux de ce mois, plu-
sieurs meubles & tiltres à elle, & Raphael
Corbinelli, ayant charge de ses affaires, ont
esté portez & baillez, tant a des officiers de
iustice, qu'a des particuliers pour les sauuer,
qui font difficulté leur rendre sans descharge
crainte d'estre accusez du pillage: Requeroit
qu'ils fussent contrains à la restitution, & de-
liurer en sa maison, près du Louvre, à Iean de
Lesdidieres, sieur de la Place, ayant charge
de les receuoir, & d'en bailler descharge, avec
injonctiō a tous autres qui en ont le declarer,
& deliurer, & permission d'obtenir Monition
afin de reuelation, pour ladite restitution seu-
lement. Oüy le Procureur General du Roy,
sur ce demandé: Tout consideré. LADICTE
CHAMBRE faisant droit sur les conclusions
du Procureur General du Roy, à euoqué &

euoque a elle les instances pendantes pardeuant le Lieutenant Criminel, & autres Iuges subalternes de ceste ville, concernant la restitution de meubles prins en la maison de la suppliâre, Et a renuoyé & réuoye la cognoissance & descharge de ceux és mains desquels ont esté deposez, pardeuant le Preuost de Paris, ou son Lieutenant Ciuil, pour a fin ciuile proceder, & faire droit sur la restitution desdicts meubles, & descharge, ainsi qu'il verra estre a faire, & ce qu'il sera ordonné executé, nonobstât oppositions ou appellatiōs quelconques, & sans preiudice d'icelles. Fait en Vacations, le seiziesme Septembre, mil six cens seize. Signé, VOYSIN.

A T O V S ceux qui ces presentes lettres verront, Louys Seguiet, Cheualier Baron de sainct Brissot, Seigneur des Ruaux & de sainct Fremain, Conseiller du Roy nostre Sire, Gentil-homme ordinaire de sa chambre, & Garde de la Preuosté de Paris. Salut : sçauoir faisons, Que sur ce qui nous a esté remonstré par Dame Leonora Galigai, Dame d'atour de la Roynemere du roy, femme authorisée de messire Concione Concini, Marquis d'Ancre, Marechal de France : Que par le moyen du pillage de sa maison size rue de

Tournon, & de celle de Raphael Corbinelli, ayant charge de ses affaires, és faulx-bourgs sainct Germain des Prez, le Ieudy premier & Vendredi sceõdiours du present mois de Septembre, quelques personnes de ceste ville & faux-bourgs ont en leur possession des meubles, hardes & besongnes de valeur, or, argent monnoyé & non monnoyé, tiltres, papiers & enseignemens, qui sont tombez en leurs mains, bien qu'ils n'ayent aucunement participé au vol & pillage, ains les ont retenus pour les conseruer a ladiète Dame, & audict Corbinelli, dont aucuns ont donné aduis aux domestiques de ladiète Dame, les autres audicts Officiers, tant de la cour de ceans, que des autres Iustices de ceste ville, & fauxbourgs qui les ont saisis, & lesquels pourtant lesdicts Officiers & particuliers ne peuvent restituer pour ne scauoir entre les mains de qui, pour raison de quoy s'estant ladiète Dame pourueue en la Cour de Parlement, & demande que lesdicts particuliers, & officiers eussent a rendre lesdits meubles, tiltres, papiers & hardes és mains de Jean de Tescdidieres, fleur de la Place, qu'elle auroit nommé, & consenti qu'il en donnast descharge, & au surplus requis permission d'obtenir Monitiõ aux fins de ladiète restitution, Ladite Cour,

par son Arrest du iour d'hier seiziesme du present mois de Septembre, auroit euoqué à elle les instances pendantes pardeuant nostre Lieutenant Criminel, & autres Iuges subalternes de ceste ville, concernant la restitution desdicts meubles & hardes, & réuoyé la cognoissâce & descharge de ceux és mains desquels ont esté deposez pardeuant nous, ou nostre Lieutenant Ciuil, pour a fins ciuiles, proceder & faire droit sur ladicte restitution & descharge, ainsi qu'ils verront estre a faire: Et ce qui sera ordonné executé, nonobstant oppositions ou appellations quelsconques, & sans preiudice d'icelles. Requerant qu'il soit dit que les conelusions par elle prises & portees par la requeste, sur laquelle est interuenu ledit Arrest, luy soient adiugees. Veu à ceste fin ladicte requeste & Arrest. Nous ouy sur ce le Procureur du Roy audit Chastelet. **ORDONNONS** que les Officiers qui ont saisi & arresté desdicts meubles & papiers seront tenus de mettre au Greffe ciuil, & pardeuers nous, les proces verbaux qu'ils en ont fait, & faire restituer lesdicts meubles & papiers, és mains de qui il sera cy apres ordonné: Et enioine à toutes personnes de quelques estats qualitez ou conditions qu'ils soient, qui auront desdictes hardes, meubles,

papiers, tiltres, & choses ainsi mal prises en la maison de ladiète Dame, & dudit Corbinelli, de les rapporter dans trois iours apres la datte des presentes, en la maison de ladiète Dame Marechalle d'Ancre, sise près, & ioignant le Louure, és mains dudit sieur de la Place: en quoy faisant, & baillant par iceluy sieur de la Place descharge, ils en demeureront bien & vallablement deschargez, & les deschargeons par ces presentes: & ne pourront les particuliers qui les auront rapportez & indiquez, estre poursuiuis, pour auoir par eux retenu lesdicts papiers tiltres & hardes: Et ou apres ledict temps ils s'en trouueroient faisis, sera contre eux procedé ainsi que de raison: Et outre, ordonnons que ceux qui auront eu en leurs possessions, depuis ledict pillage, aucuns desdicts meubles, tiltres, papiers, ou qui auront veu emporter iceux, & scauent ceux qui en ont en leur possession, seront tenus de les declarer dans ledict temps, pardeuant les Commissaires, Mahieu, & Pinguet, demeurans, Aisauoir ledict Mahieu rue barre du Bec, & ledit Pinguet rue du four ou l'un d'iceux, & permis a ladiète Dame & audict Corbinelli, aux fins de ladiète restitution, faire publier & afficher le present iugement, par tout ou il appartiendra, en la for-

me & maniere accoustumee, & publier Monition. EN TESOIN de ce, Nous auõs fait mettre à ces presentes, le seel de ladicte Preuosté de Paris. Ce fut fait & donné par Messire Henry de Melmes, sieur d'Iruval, Conseiller du Roy en ses Conseils d'Estat & Priué, & Lieutenant Ciuil de ladicte Preuosté, le Samedi dixseptiesme Septembre, mil six cens seize.

Signé,

DROVART.

